

Un im e Witsch hat sie's halt g'ha
In ihre wieschte Klaue!
Zuem Glick ha-n-ich's ihr' kenne nah,
Me ka's am Finger do noch sah;
Se thuet nitt iwel kraue!

Uf das hi ha mr's fir si Wohl
Un bis es d'Fattig trage,
Ig'sperret, d'Vorsicht hat's welle ha,
Doch hat's es g'wiss guet bi-n-is g'ha,
's hat sich nie g'ha z'beklage.

Was guet isch, nur das hat's biku,
Mr han em Mickle g'fange,
's hat Brod un Eier g'ha genue
Un siesser Anke noch derzue,
Was will me mehr verlange?

Fir's Dessert hat's e Riple g'ha,
Mr sin's express geh sueche
Am Rosestock im Gartle duss;
's hat g'ha sogar im Iwerfluss
Als Zucker noch un Kueche.

Zuetraelig isch's als zue eim ku,
Hat us dr Hand eim g'fresse.
's isch umme g'huebst as war's wie d'heim
Un isch ganz gravitaetisch eim
Als uf dr Finger g'sesse.

Gar mangmol, we mr's uf em Tisch
So han lo umme blitze,
Isch's traepelt gar so schon derher
Un isch eim, wie wenn's 's Nest gsi war,
Sogar in d'Hand ku sitze.

Wie lieb ha-n-ich das Thierle g'ha!
Un wie gern hatt' i's b'halte!
's hat sich so schon als striche lo!
's hatt's niene besser g'ha as do
Un 's war licht gsi z'erhalte.

Doch ha-n-i mir als sage lo,
Ass, wenn's emol ka fliege,
So miesst me-n-em si Freiheit ga,
Mr hewe 's Recht nitt, fir's em z'nah,
's seig jo si hoechst Vergniege.

Doch, wer hatt's glaebt! wo's gross gsi isch,
Wo's laengst hat fliege kenne,
Hat's doch nitt welle vo-n-is geh,
's isch untrem Fenster bliwe steh
Un bol als z'ruck ku renne.

Drei Monet lang isch's bi-n-is gsi,
Isch immer schoener worde;
Doch hat's dr Tod bol zue si gnu,
Gar trurig isch's ums Lewe ku:
Ne Katz isch's ku ermorde!

Ganz stif un bluetig ha-n-is g'sah
Dert lige-n-uf em Ricke!
Ich ka's bedure nitt genue...
Si Schnawele, das isch jetz zue
Un kunnt mi nimm ku bicke.

's laeft mir nimm no jetz um dr Tisch,
Ass ich's in d'Hand soll namme!
Wie z'friede hat's drin g'nestet als!
Me hat em niene g'sah kei Hals,
So hat sich's druckt als z'amme.